

**Rector Et Senatus Universitatis Rostochiensis Civibus Academicis. S. P. D.
Magna sunt ornamenta Civitatum, copia rerum ad vitam tuendam necessariorum
... Epitome, Legum Universitatis Rostochiensis Revisarum, Quæ Bis Quotannis
Publice Præleguntur**

Rostochii: Typis Johannis Kilii, MDCLXXV.

<http://purl.uni-rostock.de/rosdok/ppn1838718265>

Druck Freier  Zugang



RECTOR ET SENATUS UNIVERSITATIS ROSTOCHIENSIS CIVIBUS ACADEMICIS.

S. P. D.



Magna sunt ornamenta Civitatum, copia rerum ad vitam tuendam necessariorum, opes, ædificia, arma, apparatus; sed alia præstantiora sunt nervi Legum, iudicia, boni mores, quæ omnia Gorgias ψυχὴν πόλεως rectè appellat: quæ laborante, Respubl. deficiat ac pessum eat necessum est. Expertæ hoc est Pænorum nobilissima Civitas Carthago: quæ armis quidem Romæ superior; at Legum observantiâ & cultu sequior, paulatim elanguit, evilit, & tandem, ex hac vel solâ causâ, ut Polybius refert, devastata & absumpta perit. Rectè itaq; Heraclitus Ephesius Cives monet, ut non minus, pro Legibus, quàm pro mœnibus pugnent: cum absq; Legibus nulla Civitas incolumis esse possit, absq; mœnibus verò sæpè florens existat. Quod & Plato comprobat, dum eum Civem optimum esse ait, qui nullos triumphos Legum observantiâ gloriosiore duxerit. Unde etiam constitutionem primæ politiæ Judaicæ summus ille Nomotheta JEHOVA à Legum rogatione cepit, lapideis eas Tabulis digitis suis insculpsit, inter horribilia fulgura & fulmina promulgavit, sigillo comminationis, vindictæ, & promissionis gratia munivit, ac voluit, ut in manibus, in fronte, in limine domus scriptæ conservarentur, ut perpetuâ earum memoriâ sui quisq; officii moneretur. Eodem modo Academia quoq; seu Respublica nostra literaria, Imperiali & Pontificiâ auctoritate instituta, plurimis privilegiis dotata, peculiari jurisdictione donata, & à plebe & populo distincta, à Legum rogatione cepit, earundemq; observantiâ crevit. Sin hunc usq; diem, licet variis persecutionum flammis obnoxia, per DEI gratiam vigeat. Cum autem cuius Magistri atque, Cicerone teste, incumbat: ut consideret, gerere se personam Reipubl. debereq; ejus decus sustinere, jura describere, & ea, quæ fidei suæ commissa sunt, meminisse: omnino nostrarum partium esse duximus, Leges olim ab Antecessoribus nostris non ex foliis Sybillinis; sed ipso Decalogo depromptas, præsentî Academiæ nostræ statui accommodare, quarum Epitomen hæc ipsa Charta vobis exhibemus, illisq; juramentum revivimus, & à vobis omnibus imposterum præstandum subjungimus, ut ita singuli notitiam illarum habeant, & jurejurando, ad Observationem Legum & Obædientiam Magistratui debitam obstricti, sciant, se ignorantiam in delictis, contra Leges admisis, prout hæctenus factitatum, jure prætereundum non posse.

EPITOME, LEGUM

UNIVERSITATIS ROSTOCHIENSIS REVISARUM, QUÆ BIS QUOTANNIS PUBLICE PRÆLEGUNTUR.

- I. Pietas precibus & lectioe S. Bibliorum exercenda; Fides Catholica, Symbolis Cœcumenicis comprehensa, piè amplectenda.
- II. Nomen DEI scandalis, perjuriis, execrationibus, blaphemiis &c. non prophanandum: nec adeò Vadimonium seu Arrestum, sine Rectoris expresso permisso deferendum: sed in hoc fides, Magistratui data & jurata, servanda.
- III. Sabbathum sanctificandum, audiendæ conciones, sanctisque operibus vacandum. Ab omnibus negotiis, quibus prophanari dies Dominicus possit, in sacrâ compri-mis æde abstinendum.
- IV. Magistratui Academicum, Parentibus, Præceptoribus, fidelibus Verbi divini Ministris, (ex quibus unusquisq; certum sibi Confessionarium eliget, electumq; Rectori nominabit,) subjectio, obœdientia, gratitudo, reverentia debita præstanda, Legibus, Edictis & Programmatibus publicis, quid sive faciendum sive omittendum, præscribentibus obtemperandum. Ipsa Edicta in Publicâ Tabulâ reverenter habenda, & nullo modo vel violanda vel refigenda. Igitur,
 - (1.) Inscriptio in Matriculam Universitatis intra octiduum apud Rectorem, veluti caput Academiæ ab omnibus Academiæ Civibus sive petenda, sive, si jam ante peracta sit, docenda, nec intra annum proximum, (extra Ionticas causas si erit) nec sine studiorum specimine discedendum.
 - (2.) Collegiis, Societatibus, Vinculis, & conventibus nationalibus contra jurisdictionem, inspectionem, & disciplinam Rectoris & Professorum hæctenus institutis, novissimo Edictali Programmate die VII. Martii Anno M. DC. LXXII. prius abrogatis, omnibusq; adeo exagitationibus, tam advenarum quàm indigenarum, omnino abstinendum: Imperium in Commilitones non sumendum, nec male fumentibus parendum: sed æqualiter ab omnibus & singulis Rector & Senatus Academiæ velut legitimus Magistratus agnoscendus. De cœtero Studiosis inter sese ex æquo & decore agendum.
 - (3.) Citato in iudicium, comparendum & sententiæ parendum.
 - (4.) In Studia diligenter incumbendum, & discendum ante, quod postmodum docendum. Sedulitati omnia officiorum genera, promotio, commendationes à Nobis promittuntur: Desidia verò, & studiosis indigna vita, Parentibus, Tutoribus, & Patronis significabitur, & debitis modis vindicabitur.
 - (5.) Legibus communis convictorii, ejusque Inspectoribus, ab unoquoque Alumnorum obtemperandum.
 - (6.) Ad Actus publicos, Disputationes, Declamationes, Funerum deductiones, invitatis à Rectore vel Professoribus comparendum.
- V. A cadibus, Vulnerationibus, Provocationibus, Duellis, eorumque ministeriis, nocturnis discursationibus, boatibus, injuriis, vi, fraude, seditiosis tumultibus, ædium oppugnationibus, abstinendum.
 - (1.) Bombardæ (ut discretio inter togatam nostram & sagatam militiam sit) noctu, compri-mis in Civitate, nequaquam displodendæ.
 - (2.) Controversia inter Studiosum & Studiosum orta, ad Magistratum Academicum: quæ verò Membro Academiæ cum Cive oppidano intercedit, ad Tribunal Consulare, salvo tamen Rectoris & Universitatis privilegio, deferenda.
 - (3.) Cum deinceps & ægotantium pauperum Studiosorum & mortuorum curam Rector & Concilium in se recipiat; ad illud pietatis & charitatis opus, ab unoquoque inscripto, pro ratione facultatum liberaliter conferendum: Ipsaq; sepulchra, à Studiosis popularibus quondam comparata, nec nisi illis dehinc referenda, sub Rectoris & Concilii auctoritate relinquenda.

JURAMENTUM STUDIOSORUM.

EGO. N. JURO, quod vobis, Domino Rectori Academiæ Rostochiensis, & vestris in hoc officio successoribus, obœdire velim, in licitis & honestis.

Et quod velim observare statuta & imposterum per Academiam statuenda, & procurare ac promovere bonum Academiæ, quantum possum & quantum scio, AD QUEM-CUNQUE STATUM PERVENERO.

Juro item, quod Nationalibus Collegiis, vel quibuscunq; prohibitis Societatibus, penitus velim abstinere, absolutionem nec poscere, nec procurare, & adeò nec pro accessu, nec pro absolutione quicquam sive exigere, sive promittere, sive offerre, sive etiam, ultero oblatu, admittere, nec sive in alios studiosos imperiū sumere, sive tale sibi arrogantis parere. Et, si propter delictum, per me commissum, aut propter inobedientiam, à Rectore,

- VI Occasiones libidinum & intemperantiæ, morum sermonisq; spurcitiæ, Cauponarum & Oenopoliorum frequentia, helluatio, luxus vestium (quarum nulla deinceps, quoad illæ Ingenuum modestumq; Civem Academicum decent, discretio esto,) irruptio non invitatorum in nuptias, excitatio tumultus, omnis luxurians profusio, larvata discursatio, promiscua Chororum Musicorum (qui sine dispensatione Rectoris & Concilii interdicti sunt) usurpatio, gladiatorum pariter indecora gestatio, omnis deniq; petulantia, velut Christiano, nedum Cive Academicum indigna, procul habenda.
- VII. A furtis & defraudationibus quibuscunq; cavendum: nec pecunia, libri, vel quicquam aliud, ludendo in alterum transferendum, translatum vero restituendum. Creditoribus tempestive, Hospitibus verò pro convictu singulis mensibus; pro locatione Museorum & Lectorum quolibet semestri (nisi aliter convenerit) satisfaciendum.
- VIII. Veritas & simplicitas, in omnibus doctrinæ & vitæ partibus amplectenda. Mendacis, Sophismatibus, calumniis, fictis criminibus, Famosis Libellis abstinendum, nullius innocentis fama lædenda, Legi nulli fraus facienda.
- IX. Affectus & cupiditates Antecellentæ imprimis, Opum, Vindictæ, quæ fontes sunt omnium externorum scelerum, avaritia item, cæteræque animorum pestes, reprimendæ & compescendæ. Quin potius partes officii à docentibus æq; ac discipulis fideliter obeundæ, ac decorum ordinis ubiq; servandæ.
- X. Omnes vitiosæ inclinationes & voluptates & voluptates, dubitationes, trepidationes in ærumptis, quantum licet, coercendæ, mores deniq; ad normam Legum Decalogi omni studio dirigendi.

PRÆMIA virtuti debita, obedientibus promittimus.

POENAS refragantibus pro ratione delicti decernimus: & ut graviores saltem casu exprimamus:

- (1.) Transgressoribus atrocioribus *Prime Tabulæ*, perjuris imprimis, & blasphemis; delinquentibus item circa *Secundam Tabulam*, quoad leges de Collegiis nationalibus, omnibusq; adeo futuris Scholasticis, Studiosos regens adventantes exagitantibus, ære emungentibus, & quocunq; modo ad servitia cogentibus, vel indecore tractantibus, & sub jugum quasi retrahentibus, ut & Libellorum famosorum autoribus, RELEGATIONEM IN PERPETUUM AD INFAMIAM USQUE, nec minus eorundem Coadjutoribus, Arresti item violatoribus, duellantibus, noctu globum ejaculantibus (quod si quis die fecerit, bombardæ privandus) in domibus nuptialibus, Collegiis, Templis, aliisve locis publicis tumultus excitantibus, post fidem datam, imò juratam, ante debitorum solutionem hinc excedentibus, RELEGATIONEM, pro gravitate facti, AD CERTOS ANNOS DETERMINANDAM decernimus, hac lege atque omine, ut PRIME CLASSIS Relegationes non confederatis saltem Academiis ad executionem: sed & Serenissimis Patronorum Aulis & patriæ relegatorum, per transmissionem Programmatum, typis imprimendorum, deinceps intimentur, utque exclusi in hæc nostra, in confederatis quoque Academiis excludantur.

- (1.) Cœteris Prophanatoribus nominis DEI, Concionum & Sabbati contemptoribus, Inscriptionem ultra octiduum differentibus, Rectori & Professoribus debitam, imprimis ubi citantur, obœdientiam non præstantibus, Nationalium aliorumq; prohibitorum actuum approbatoribus, Libellorum famosorum descriptoribus, noctu discursantibus & boantibus, provocanti servitium præstantibus, omni denique petulantia, extra loca sacra & publica, pro qualitate facti, CARCEREM decernimus.

DEUS qui est DEUS Zelotæ, unicuiq; secundum opera sua retribuet: Pietatem quidem infinitâ benignitate compensaturus: Peccata autem, & in præsentem vitam & post hæc penis infernalibus ulturus.

vel Concilio Academiæ mihi mandatum fuerit, ut me poenæ certæ subjiciam, aut intra certum diem ex hac urbe & Academiâ discedam, & ante terminum mihi præfixum non revertar; illi mandato absq; contumaciâ parebo: nisi super decreto illo, & termino mihi præfixo, per Concilium, sive per Rectorem mecum fuerit dispensatum.

Nec etiam hinc discedam, nisi prius satisfecerim Creditoribus meis, aut eorum expressam obtinuerim voluntatem.

Utatur quoq; vestitu honesto, prout iugenuū & modestum Civem Academicum decet.

Promitto deniq; me inhabitaturum, sive Academiæ, sive Professorum, aliorumve Academicorum domos, nisi injustas causas, per Rectorem, mecum fuerit dispensatum.

SIC ME DEUS ADJUVET!


ROSTOCHII, Typis JOHANNIS KILII, Universitatis Typogr, ANNO M. DC. LXXV.

1675

UNIVERSITÄT ROSTOCK
FACULTÄT FÜR PHYSIK
PHYSIKALISCHES INSTITUT

L1

Uebelg. n. 3230



1674